

PAGESUSI GIYA 24

Kon Ang Tawo Mamatay Unsay Dangatan?

Kami mikulo sa unang pangutana sa bata, “unsay kahulogan sa mamatay?” mapugngan kami sa paghisgot mahitungod, o bisan sa paghunahuna sa pagsulti sa kamatayon. Ang kamatayon maoy common nga kaaway sa tawo bisan asa.

Unsay mga tubag sa malisod nga mga pangutana mahitungod sa kamatayon? Aduna bay kinabuhi human sa kamatayon? Ato bang makita pag-usab ang atong mga hinigugma nga nangamatay?

1. PAG-ATUBANG SA KAMATAYON NGA WAY KAHADLOK

Tanan kanato sa gitakdang mga gutlo, tingali sa human mamatay ang usa ka higala o usa ka hinigugma bation sa ka haw-ang sa atong mga tiyan, nga ang pagbati sa kamingaw mikaylap kanato, samtang atong nakita ang gutling sa katapusan sa kinabuhi.

Sa maga butang nga mahinungdanon, puno sa pagbati, diin kita makatoon sa kamatuoran mahitungod kon unsay mahitabo kon dita mamatay?

Ang kaayo, kay bahin sa misyon ni Kristo dinhi sa yuta mao ang paghatag kagawasan niadtong tanang kinabuhi nga naulipon tungod sa ilang kahadlok sa kamatayon. (Hebreohanon 2:15). Ug diha sa Biblia, si Jesus nagpresentar sa padasig nga mga mensahe, ug pagtubag sa tanan natong mga pangutana sa klaro makhitungod sa kamatayon ug sa umalabot nga kinabuhi.

2. GIUNSA KITA PAGBUHAT SA GINOO

Aron sa pagsabot gikan sa Biblia ang tinuod nga kamatuoran mahitungod sa kamatayon, atong sugdan sa sinugdanan ug tan-awon giunsa sa atong maglalalang paghimo kanato.

“Ug giunsa ni JEHOVA nga Dios ang tawo gikan sa ABOG SA YUTA, ug gihkugpan niya sa mga buho sa iyang ilong sa GININHAWA SA KINABUHI, ug ang tawo nahimong KALAG NGA MAY KINABUHI.” — (Genesis 2:7)

Sa paglalang giunsa sa Dios si Adan gikan “sa abog sa yuta” ana-a nay utok sa iyang ulo andam na sa paghunahuna; ang dugo sa iyang kaugatan andam na sa pagsekular, dayon ang Dios nagginghawa ngadto sa iyang mga ilong sa ginhawa sa kinabuhi,” ug si Adan nahimong buhi nga kalag,” (buhi nga binuhat”) tan-awa pag-ayo, ang Biblia wala magsulti nga si Adan nakadawat ug kalag; inay nagingon ng a”ang tawo nahimo nga buhi nga kalag,” sa pagginghawa sa Dios ngadto kang Adan, ang kinabuhi nagsugod pag-agos gikan sa Dios. Ang kombinasyon sa lawas ug “ginghawa sa kinabuhi,” nakapahimo ni Adan nga” buhi nga binuhat,” “ buhi nga kalag.”

Busa ato tingali nga isulat ang tawhanon nga pagkwenta sa ingon niini.

“Abog sa yuta” + “Ginhawa sa kinabuhi” = “Buhi nga kalag” o lawas nga way kinabuhi + ginhawa gikan sa Dios = usa ka buhi nga binuhat.

Matag usa kanato adunay lawas ug usa ka utok nga adunay rason. Hangtod nga kita mopadayon sa pagginghawa, kita mga buhi nga kalag, buhi nga binuhat.

3. UNSAY MAHITABO KON ANG TAWO MAMATAY?

Diha sa kamatayon ang balikad nga prosiso sa paglalang gihulagway sa

“Ug ang ABOG mobalik nganhi sa yuta ingon sa kaniadto, ug ang SPIRITU mobalik ngadto sa Dios nga maoy naghatag niini.” — Ecclesiastes 12:7.

Ang Biblia kanunay nagagamit sa mga pulong nga Hebreo alang sa “Ginhawa” ug “Spiritu” nga dili mausab-usab. Kon ang tawo mamatay, ang ilang lawas mahimong “abog” ug ang “spiritu” (ang ginhawa sa kinabuhi) mobalik ngado sa Dios nga tinubdan, apan unsay mahitabo sa kalag?

“Ingon nga ako buhi nagaingon ang Ginoong Jehova;... Ania karon ang tanang mga KALAG ako man;... ANG KALAG NGA MAKASASALA KINI MAMATAY.” — Esekiel 18:3-4

Ang kalag mamatay! Dili pa karon ang immortal (dili madunot) kini mahanaw.

Ang tawhanon nga pagkwenta gikan sa Genesis 2:7, sa dihang gihimo kita sa Dios, nabali kini diha

kamatayon.

“Abog sa yuta”+ “Ginhawa sa kinabuhi” = “buhì nga kalag” Lawas sa kinabuhi”+Ginhawa gikan sa Dios = Patay nga binuhat/patay nga kalag.

Ang kamatayon mao ang pag-undang sa ang lawas mosagol sa abog, ug ang gininhawa/spiritu mobalik ngadto sa Dios. Kita buhi nga kalag sa kinabuhi, apan sa kamatayon, kalabera, patay nga kalag, patay nga binuhat. Busa ang patay walay hinanawan sa dihang kuahaon pagbalik sa Dios ang Gininhawa sa kinabuhi nga iyang gihatag kanato, ang atong kalag mamatay. Apang sa atong makita unya sa atong leksyon, uban ni Kristo adunay paglaum.

4. UNSAY NAHIBALOAN SA PATAY NGA TAWO?

Human sa kamatayon ang utok mangahanaw; dili na makahinumdom sa mga butang. Anga tanang mga pagbati maundang inig kamatay sa tawo.

“Maingon man ang ilang gugma, mao usab ang ilang pagdumot ug ang ilang kasina, nawagtang sa kanhing panahon.”—Ecclesiastes 9:6

Ang mga patay walay kalibutan; way hinanawan ug unsay mga panghitabo nga moabot sa dayon wala na silay pakigdugtong sa mga buhi.

“Kay ang mga buhi masayod nga sila mangamatay, apan ang mga minatay, DILI MAHIBALO SA BISAN UNSA, ni may balus pa silal; tungod kay ang ilang handumanan hikalimtan.”—Ecclesiastes 9:5

Ang kamatayon sama lamang sa usa ka damgo sa pagkatulog, ngani ang tinuod, ang Biblia nagsulti sa kamatayon nga “natulog”sa 54 da besis. Si Jesus nagtudlo ang kamatayon sama lang sa natulog. Miingon siya sa Iyang mga tinun-an;

“Ang atong higala nga si LAZARO NATULOG, apan moadto ako aron sa pagpukaw kaniya gikan sa paghikatulog. Ug ang ma tinun-an miingon kaniya, Ginoo, kon siya nahikatulog man, mamaayo ra siya. “Ang gihisgutan ni Jesus ang kamatayon ni Lazaro, apan sila nanagdahum nga ang iyang gipasabot mao ang pagpahulay sa kinaiya sa pagkatulog. Busa si Jesus misulti kanila sa way lipod-lipod, ‘SI LAZARO NAMATAY.’” —(Juan 11:11-14).

Si Lazaro namatay upat na kaadlaw sa wala pa si Jesus miabot. Apan sa pag-adto ni Jesus sa iyang lubnganan, iyang gipamatud-an nga sayon alang sa Dios ang pagbanhaw sa patay sama sa pagpukaw nato sa natulog ta nga kauban.

Dako kini nga kalipay sa pagkahibalo nga ang atong nangamatay nga mga hinigugma “nakatulog”lang nagpahulay sa malinawon diha ni Jesus.

Ang tunnel sa kamatayon, diin kita ugma damlag moagi didto, sama sa mahilom ug malinawon nga pagkatulog.

5. ANG DIOS BA NAKALIMOT NA SA MGA NANGAMATAY?

Ang pagkatulog sa kamatayon dili katapusan sa sugilanon. Didto sa lubnganan, si Jesus miingon kang Marta, igsoon ni Lazaro:

“AKO MAO ANG PAGKABANHAW ug ang kinabuhi. SIYA NGA NAGATOO KANAKO MABUHI bisan kon siya patay na.”—Juan 11:25.

Kadtong nangamatay diha “kang Kristo” natulog diha sa lubnganan, apan sila adunay gihapon mahayag nga kaugmaon. Siya nga naga-ihap sa kad buhok sa atong mga ulo ug naghupot kanato sa iyang palad dili mahikalimot kanako. Kita mahimong mangamatay ug mobalik sa abog sa yuta, apan ang kasaysayan sa atong pagkatawo magapabilin sa hunahuna sa Dios. Ug sa pagbalik ni Jesus, iyang pukawon ang mga matarong nga patay gikan sa ilang pagkatulog, sama sa iyang gibuhat ni Lazaro.

“Dili namo tinguha nga kamo dili makahibalo mahitungod KANILA NGA NANGAMATAY, aron DILI KAMO MANAGSUBO INGON SA UBAN NGA WALAY PAGLAUM. Kay ang Ginoo gayod mao ang manaug unya gikan sa langit inubanan sa pagsinggit sa pagsugo, ug sa tatwag sa punoan sa mga manulonda, ug sa tingog sa trumpet sa Dios. Unya ang NANGAMATAY DIHA KANG KRISTO MOUNA SA PAGPAMANGON; ug KITA NGA MGA BUHI PA NGA NAHIBILIN, PAGASAKGAWON NGADTO SA PANGANOD UBAN KANILA sa pagsugat sa Ginoo diha sa kahanginan; ug kita makig-uban sa Ginoo sa tanang panahon. BUSA PAGLIPAYAY KAMO ANG USA UG USA PINAAGI NIINING MGA PULONGA.”—(1 Tesalonica 4:13, 18-19)

Sa adlaw sa pagkabanhaw, ang tunnel sa kamatayon sama sa daklit nga pagpahulay. Ang mga patay walay kasayoran sa mga panghitabo sa panahon. Kadtong midawat ni Kristo nga ilang manluluwas, sila

pukawon gikan sa pagkatulog pinaagi sa iyang kahibulongang tingog nga manaug dinhi sa yuta.

Ang paglaum sa pagkabanhaw adunay kauban; ang paglaum sa langitnong poloy-anan diin ang Dios “Magapahid sa matag luha sa ilang mga mata, didto wala nay kamatayon ug paghilak o kasakit.” Kadtong nahigugma sa Dios dili na mobati ug kahadlok sa kamatayon. Unahan niini gibuklad ang walay katapusang katumanan sa kinabuhi uban sa Dios. Si Jesus naghupot sa “yawe sa kamatayon” (Pinadayag 1:18).

Kon wala si Kristo, ang kamatayon mausa lang ka agianan ngadto sa walay katapusan, apan uban ni Kristo adunay hayag nga paglaum.

6. DILI NA BA KITA MADUNOTON KARON?

Sa dihang gibuhat sa Dios si Adan ug Eba, sila gibuhat nga madunoton, adunay kamatayon? Nagpabilin pa unat sila pagkaminumanon sa kabubut-on sa Dios wala unta silay kamatayon. Apan dihang nakasala sila, ilang gitugyan ang ilang katungod sa kinabuhi. Pinaagi sa pagkamasinupakon, sila aduna nay kamatayon. Ang ilang sala naka-apekto sa tibuok kaliwatan, ug tungod kay ang tanan man nakasala, kita tanan madunoton ug angay sa kamatayon (Roma 5:12). Ug walay tima-ilhan sa Biblia nga ang kalag sa tawo magalungtad nga adunay panimuot human mamatay.

Ang Biblia wala maghisgot nga ang kalag karon dili madunoton nga dili na mamatay. Ang pulong “Kalag” ug “Spiritu” sa Grego ug sa Hebreo sigulti sa Biblia 1,700 ka besis. Apan wala bisan ka usa sa tawhanon nga kalag, spiritu o gininhawa nga gihisgutan sa dili madunoton. Sa pagkakaran ang Dios lamang ang dili madunoton (Immortal).

“Ang Dios... lamang dili madunoton” —1 Timoteo 6:15,16

Giklaro sa kasulatan nga ang katawhan niini nga kinabuhi mga madunoton (Mortal). Ng may kamatayon. Apan pagbalik ni Jesus ang atong pagkatawo mausab.

“Ania karon, isulti ko kaninyo ang tinago, DILI KITANG TANAN MANGAMATAY, apan KITANG TANAN MANGA-USAB sa kalit sa usa ka pagpamilok, inig tingog na SA KATAPUSANG TRUMPETA. Kay ang trumpeta pagapatungon, ug ANG MGA PATAY PAGABANHAWON nga may mga lawas nga dili na madunot, ug KITA MANGUSAB kay kining lawas nga madunot ra pagailisan unyag dili na madunot, ug KINING LAWAS NGA MAMATAY RA PAGAALID-AN UNYAG DILI NA MAMATAY.” —1 Corinto 15:51-53

Ingon nga mga tawo, dili pa kita karon immortal. Apan ang kasigurohan sa mga kristohanon ng mahimo kitang imortal sa ikaduhang pagbalik ni Jesus. Ang kasigurohan sa saad sa immortality mao kadtong gihulagway ni Jesus didto sa Iyang lubnganan sa iyang pagkabanhaw.

“GILAGLAG ANG KAMATAYON, ug pinaagi sa maayong balita ang kinabuhi ug ANG PAGKAWALAY KAMATAYON GIDALA NIYA NGADTO SA KAHAYAG, pinaagi sa ebangelyo.” —2 Timoteo 1” 10

Ang panglantaw sa Dios sa kapalaran sa tawo kini klaro kaayo; kamatayon nga walay katapusan alang niadtong nagsalikway ni Kristo ug misandig sa ilang mga sala, o kinabuhi nga walay pagkadunot ingon nga gasa pagbalik ni Jesus alang niadtong midawat kaniya ingon nga Ginoo ug manluluwas.

7. PAG-ATUBANG SA KAMATAYON SA USA KA HINIGUGMA

Ang mga kahadlok nga natural natong pagpakigbisog sa dagway sa kamatayon mahimong mahitabo sa dihang usa sa mga hinigugma mamatay. Ang mga kaguol ug ang pagbati sa pagkawala maoy mopatigbabaw. Ang usa lamang ka solusyon sa mga kasubo nga maoy hinungdan sa panagkabulag gikan sa usa ka hinigugma mao lamang ang pagdasig nga si Kristo lamang ang makahatag. Hinumdumi nga sila nahikatu-log lang, kini sila nagpahulay diha kang Jesus, ug sila mamangon didto sa “Kinabuhi sa pagkabanhaw,” sa pagbalik ni Jesus.

Ang Dios nagplano sa kahibulungan nga panaghiusa (reunion). Ang mga kabataan ibalik ngadto sa ilang mga ginikanan, mga bana ug mga asawa managgakus sa panaghiusa sa tagsa-tagsa nila ka mga buktion. Ang mabangis nga panagbulag sa kinabuhi matapos na.

“Ang kamatayon gilamoy sa kadaugan,” (1 Corinto 15:54).

Ang uban nagbati nga ang panagbulag gikan sa usa ka hinigugma hilabihan ka suod nga sila makahimil ug mosulay sa pakig-storya sa ilang mga minatay pinaagi sa spiritista nga medium o sa mga spiritista.

Apan ang Biblia nagpahamatngon kanato batok niining mga tawhana nga magapahumpay sa kasakit sa kamatayon niini nga paagi.

“Ug sa diha nga sila manag-ingon kaninyo; mangadto kamo niadtong mga spiritista ug mga salamangkiro, nga managpiyak ug managyagubyub; dili ba unta mangadto ang katawhan sa

pagpangita sa ilang Dios? Tungod sa mga buhi pangitaon ba nila ang mga patay?” — (Isaias 8:19)

ngano man tuod? Ang Biblia nagpadayag nga ang mga patay wala nay hinanawan. Ang mao lamang nga solusyon sa mga kasubo nga maoy hinungdan sa panagkabulag gikan sa usa ka hinigugma mao lamang ang pagdasig nga si Kristo lamang ang makahatag. Ang paggugol sa panahon pakigsulti uban ni Kristo maoy pinakahimsog nga paagi sa pagtubo ngadto sa nagbangutan nga proseso.

Kanunay hinumduman, ang sunod nga mga panghunahuna nga maga-abot, niadtong nangatulong diha kang Kristo, didto na sa ikaduhang pagbalik ni Kristo sa pagpukaw sa mga patay.

8. PAG-ATUBANG SA KAMATAYON NGA WALAY KUKAHADLOK

ang kamatayon nagailog kanato hapit ang tanang mga butang. Apan ang usa ka butang nga dili niya makuha gikan kanato, si Kristo, ug si Kristo lamang ang makabalik sa tanang butang nganhi kanato. Ang kamatayon dili kanunay magahari niini nga kalibutan. Ang yaw, ang mga dautan, ang kamatayon, ug ang lubnganan mahanaw sa “linaw nga kalayo” nga mao ang “Ikaduhang kamatayon” (Pinadayag 20:14)

Kini ang upat ka yanong sugyot pag-atubang sa kamatayon nga way kukahadlok;

(1) Pagpuyo sa kinabuhi sa malaumon nga pagsalig ni Kristo, ug ikaw maandam alang sa kamatayon sa bisan unsang gutlo.

(2) Pinaagi sa gahum sa Balaang Spiritu, pagkamatinumanonsa kasugoan ni Kristo, ug ikaw maandam sa ikaduhang kinabuhi diin wala ka nay kamatayon.

(3) Hunahuna-a ang kamatayon nga hamubo nga pagkatulog diin ang tingog ni Jesus ang mopukaw kanimo sa iyang ikaduhang pagbalik.

(4) mahala, ampingi ang kasigurohan nga gihatag ni Jesus kanato sa langitnong poloy-anan uban kaniya sa tibuok eternidad.

Ang kamatuoran sa Biblia magapagawas sa tawo gikan sa kahadlok sa kamatayon tungod kay si Jesus ang nagpadayag niini, ang usa nga bisan ang kamatayon dili makabuntog.

Sa dihang si Jesus mosulod sa atong mga kinabuhi, iyang ipabaha ang atong kasingkasing sa kalinaw.

“Kaninyo ibilin ko ang kalinaw, kaninyo ihatag ko ang akong kalinaw... kinahangla dili magkaguol ang inyong kasingkasing, ni magtalaw.” — Juan 14:27.

Gihimo ni Jesus nga possible alang kanato nga makasabot sa mga katalagman ug trahedya nga mawad-an ug minahal sa kinabuhi. Si Jesus naglakaw latas sa “kapatagan sa landong nga gabii sa atong mga dalan.

Busa, sanglit ang mga anak nakaambit man sa unod ug dugo, siya gayod usab miambit niini, aron pinaagi sa kamatayon malaglag niya ang may gahum sa kamatayon, nga sa ato pa ang yawa, ug MAPAHIGAWAS NIYA SILANG TANAN NGA TUNGOD SA KAHADLOK SA KAMATAYON NAILALUM SA PAGKAULIPON SULOD SA TIBUOK NILANG KINABUHI.” — (Hebreohanon 2:14,15)

Si Dr. James Simpson, ang bantugan nga mananambal nga nakadiskobre sa anesthesia, nakasinate sa makalilisang nga pagkawala sa dihang ang iyang kamagulangang anak namatay. Hilabihan niyang kaguol sama sa usa ka ginikanan nga pagahimoon, apan iyang nakaplagan ang dalan sa paglaum, ibabaw sa lubong sa iyang pinalangang anak nagpatindog siya ug ilhanan ug gikulitan niya kini sa mga pulong nga gisulti ni Jesus mahitungod sa iyang pagkabanhaw.

“Bisan pa niana, ako mabuhi.” Nagsulti kana sa tanan. Ang personal nga mga panghitabo usahay mopalong sa atong paglaum; apan bisan pa niana, si Jesus nabuhi! Ang atong mga kasingkasing tingali daw magun-ob; apan bisan pa niana, si Jesus nabuhi.

Diha kang Kristo kita adunay paglaum sa kinabuhi human sa kamatayon. Siya ang pagkabanhaw ug ang kinabuhi “9Juan 11:250 ug siya nagsaad, “Tungod kay ako nabuhi, ikaw usab mabuhi” (Juan 14:19). Si Kristo lamang ang atong paglaum sa kinabuhi human sa kamatayon. Ug sa diha nga si Kristo mobalik pag-usab iya kitang hatagan sa kinabuhi nga wala nay pagkadugta. Dili na kita magkinabuhi pagusab ilalum sa landong sa kamatayon, kay aduna naman kitay kinabuhing walay katapusan. Imo ba kining nakaplagan nga paglaum nga kita makahambin niini panahon sa atong mangi-ob nga mga gutlo?

Kon wala pa nimo madawat si Jesus ingon nga imong Ginoo ug manluluwas, imo ba kining buhaton karon?